

Kia rite mō Te Whare Kararehe



Mauria mai tō tohu kano ārai mate:

He herenga te mau Tohu Kano Ārai Mate mō ngā manuhiri katoa o te Whare Kararehe pakeke ake i te 12 tau. E hāngai ana tēnei ki ngā tikanga o te kaupapa rongoā āraimate Kōwhiri o Auckland Unlimited (AUL) mō ngā wāhi katoa o Auckland Unlimited, tae ana ki te Whare Kararehe o Tāmaki Makaurau (he wāhi o AUL). Whakaatu i tō Tohu Kano Ārai Mate me tō tāpui tīkiti i tō taenga ki te Whare Kararehe.



Me tāpui tīkiti i mua

Me tāpui tīkiti tuihono ngā manuhiri me ngā mema katoa i mua i to taenga mai! Kua kōpiri ngā kuhunga mō ia tūnga, kia tiaki i ngā whakaritenga mō te hauora me te waiora i te pae 2 o te Taumata Ōhiti 3. Kia ngāwari, kia whai whakaaro hoki i a koe e tonu tūnga ana, kia whai wāhi te katoa ki te tūhono ki te taiao, te whānau me ngā kararehe mohoa.

• Ngā Mema Urunga-ā-Tau

Pāwhiria te hononga Member Visit, ā, kōwhirihia te tīkiti tika mō tō momo mematangā. Ka mutu, kōwhirihia tō tūnga. Kāore he utu mō ngā tāpui ā-mema. Me mātua tae koe i te wā tika o tō tūnga ki te kuhu mai ki te Whare Kararehe. Ki te kore, me tatari pea kia wātea anō he tūnga.

Kua tauroa tō mematangā mō te roanga o te rāhui. Ina pau tō memetanga i tēnei rāhui, me whakapā atu ki tētahi o ngā kaimahi e taea ana te āwhina i a koe. Toro atu ki [Member FAQ](#) i mua i tō taenga mai, i tō kuhu mai anō hoki.

• Ngā Urunga Tukupū

Me whai tōtika ngā manuhiri i te ara tonu tīkiti tukupū, ā, tonohia he tūnga. Me mātua tae koe i te wā tika o tō tūnga ki te kuhu atu ki te Whare Kararehe. Ki te kore, me tatari pea kia wātea anō he tūnga. Toro atu ki [COVID FAQ](#) i mua i tō taenga mai, i tō kuhu mai anō hoki.



Whakatewhatewha pānga me te whakarārangi

Mō ngā whakaritenga mō te hauora me te waiora e hāngai ana ki ngā whakaritenga a te Kāwanatanga, me tūtohu ia manuhiri i tō kuhutanga mai. Tikiake te taupānga Ministry of Health's NZ COVID Tracer App, ā, matawai i tō taenga mai ki te tomokanga. Ina kāore tō waea, kei ngā kaimahi tētahi rēhita hei haina māu.

Kāore he moni tūturu

Kāore te Whare Kararehe e whakaae ana ki ngā utu ā-moni tūturu i ō mātou wharekai, Te Toa o te Whare Kararehe, mō ngā rīhi taputapu mai i te Tari Pārongo, me ngā wāhi utu. Ka taea e koe te utu mā te EFTPOS korepā.

Pārongo wharekai

Ka taea tonu e koe te kai i ngā wharekai o Wētāpunga, Te Puna, me The Watering Hole. Mō ngā wharekai e tuwhera ana, ka whai wāhi noho tīrara, ka whakamahi kapu wairākau, ka toha kai mā te kono wairākau hari anō hoki.

Te Toa o te Whare Kararehe

Ka tuwhera Te Toa o te Whare Kararehe, engari ka tū he mōrahi āheitanga manuhiri, kia ū te tū tīrara, kia haumaruru ai koe. Ko te inoi hoki, kia whai whakaaro ki te toa me ngā manuhiri, kia āta tiaki i āu tamariki, kia iti hoki te whāwhā i ngā taonga.



Mau ārai kanohi

Ko te inoi, kia mau ārai kanohi ngā manuhiri katoa, hāunga rātou kua whiwhi whakawātea ā-rata, kei te inu, kai rānei. Mauria mai he ārai kanohi mō ngā manuhiri pakeke ake i te 12 tau, hoko tētahi ārai kanohi rānei ki te kuhu mai ki te Whare Kararehe, nā te mea kei rō whare ētahi o ngā wāhi me mātua mau ārai kanohi (hei tauira, ngā wharekai, Te Toa o te Whare Kararehe/te putanga, ētahi o ngā kararehe kei rō wāhi haumaruru).

